

tegam, & Luna non dabit lumen suū. Omnia luminaria cœli mœrere faciam. Joel. 2. Sol & Luna obtenebrati sunt, & stellæ retraxerunt splendore suum. Atq; hoc sensu inquit De<sup>9</sup> Jerē. 10. *A signis cœli nolite metuere quæ timeant gentes, puta, si pie & in timore mei vixeritis. Qui enim ex Deo nati sunt & in nova nativitate vivunt, his cœlū & universa natura ut nocere nequit, ita neque terrorem debet incutere; juxta Ps. 112. In memoria eterna erit justus, ab auditione mala nō timebit.* Atq; huc pertinet illud vulgare: *Sapiens dominabitur astris.* Qui enim in nova nativitate sunt, hi supra cœlum physicum sunt exaltati, nec jam ampli<sup>9</sup> filij Saturni, Jovis, Martis, Solis, Mercurij, & Lunæ sunt; sed Filij Dei, quia nimirum in fide vivunt, per quam cœli imperio, & impressionibus astrorum physicorū se subtrahunt & eximunt. Contra qui in nova nativitate nō vivunt, sed secundum carnem, ac ethnicè, isti habent cur suæ cuticulæ metuant, & à cœli minis sibi caveant. III. Certius est quā ut negari possit, duorū luminariū Ecclipses, itēq; Cometarum exort<sup>9</sup>, maximas mutationes pertendere, nec modo mortem viris illustrib<sup>9</sup>, sed etiam conversiones imperiorum & statuum, itemq; publicas calamitates denunciare. Hinc vulgare illud,